

Galeziya

Galeziya mwaalyaraavina Pikariyikwia' Poli yavikaryakesi.

1 Nyidasaabadeinyi Polinyi yikwia da' yavikarivanige. A'mwera nyidasaabadivitainyi mi'. A'mwe pwarì Gotiyai kuda' "Polimi widaasaderi dumwaihya!" kuda' sai nyidahlakakainyi mi'. Aawa. Jizaazai Kiraazitiyalyi Gotiyai Nenimaangelyi "Apozeliyaiginyi githaasakadeiginyi," nyidahila nyidahlakagilyainyi. Gotiya sai Kiraazitiyai balakeri yidikaavakelyi.

2 Nimji neya'mwera Kiraazitiyari winya'nera dava mwaaihasaraji Kiraazitiyare kusilaanyangiyaihirì yihithivanigo "Neya'mweihi!" Kwaaka Galeziya piwi piwi mwaaihasahirì "Neya'mweihi," yihithivanigo.

3 Nabaai, Gotiyai Nenimaangelyi Naanga Jizaazai Kiraazitiyalyi yanga gaimwangebwinai yihyika! Sanidaare kwaamu'nanyaburi kuna tewaanya yihimwaihhyika!

4 Kiraazitiyai sahwai nemire kayaa'nanyanne'na wijaavinaka bala'. Dahaasa kayaa'nanyaraavire kayaa'nanyabwina "Padaihasamaarima!" daka bala'. Nemire Gotiyai Nenimaangere simunyavina bala'.

⁵ Gotiyai tewaanyabwi sara kya' gamire yaya' munyaba makilaana! “Yuyagaa' yuyagaa' byaannakeigi!” widaana! Naanga sahirisira!

Yagaala tewaanya' gave pirina warike'nesi.

⁶ Akai. Sariminyina atika maru'na'manige. Gotiyai kyihithahlaka' Kiraazitiyai yange'na yihigaimwaga'. Sara kyihihaimwaga' maalikegaa' “Sahwari yagalya'mavaadeina dingaka?” yawi'divi' yagaala tewaanya ge' midinya'na yawi'manigasaihi daa!

⁷ Sare' yagaala tewaanya ge' mwari'. Aawa. A'mwe pwara sarimire simunya kwalaalya yihizaavanigava. Kiraazitiyarine yagaala tewaanya'na “Nayaa yavada'galaana!” yawireva kiri' maraginyiwamanigava.

⁸ Sinnawi yagaala tewaanya' yihitho gavesira. Nemi saina “Yagaala tewaanya aya' wamaryana!” daaza' yagaala tewaanya mudike' yihithaaza' Dikevi nemarasi'nana! Sigunyavidaasa ejeliyai mamaayai yagaala tewaanya mudike' yihithaza' Dikevi wimarasinana!

⁹ Kigaa' mi'na yihitho kiri' dahaa' ayahi nayaa yihithima! Sinnawi yagaala tewaanya' yihitho' mi'na yawi'mwaa'. Nabaai dahaa' a'mwe pwai “Yagaala aya' wamaryana!” daza' yagaala ge' yihithivanikeri Dikevi wimarasinana!

¹⁰ Sare' yagaala yihithiwe'na dina “A'mwera 'Politewaanyalyi,' yawipika!” dadì divanigeinyi daaka! Arikawi. Gotiyai niminyina “'Nebulya' dadelyi,' yawirana!” dadì divanigeinyi. “A'mwera niminyina yilaaya yipika!” yawi'muji

kwaji Kiraazitiyare yaasiwa'wawinyainyi kamwaaimudika.

Polī Apozeliyarī Kiraazitiyai widaasakei yima'nake'nesi.

¹¹ Nya'mweihi, sare' nayaa yihithima! Yagaala tewaanya' widadinya' a'mweraavire yagaala' mika.

¹² Sare' dare'nesi. A'mwe pwarī mamaarye. A'mwe pwai manyijīwaakya'. Arīkawī. Jizaazai Kiraazitiyai sahwai nyībwarīdaakwakelyi.

¹³ Sare' dare'nesi. Kigaa' yeinyirebwi mi'na wī'ne'. Juyaraavi Ne sinnawinyaraavirebwi diraginna mididi Gotiyare kusilaanyaraavi naanna kayaa'na yadi "Sahwaraavirebwi yuna kayaaka yigalima!" dadi diraginna sara ye.

¹⁴ Juyainaavirebwi diraginna yadi nīmire Yisavaakiyara nyinyakwalaangeraavi wawila'na ye. Ne sinnawinyaraavire kiwinya sahwara maali'na mididaapijī sahwainyi naanna midineinyi.

¹⁵ Kirī' Gotiyai gevwi yawiraka nyinaangevire munyiki kuna mwaalegaa' "Polimi yange'na wigaimwagideinyi," yawiraka nabaai, "Nyidaayadei yima'nana!" daka nyijīvwaramaarya'nei mena nyidahilakyya'.

¹⁶ Sara nyidahilakaka gamiregaa' a'mweinyi Gawaalivaangerina nyībwarīdaakwa'. "Niminyina navika yawi'divisaraavi ajīmya yuyangiyaraavi yagaala tewaanya' Kiraazitiyarīne' widana!" daka nyībwarīdaakwa'. Mi'na kanyībwarīdaakwa'

sagaa' Naangere yagaalya'na yîwaarasa'na a'mwe pwaraayawîna mwiye.

17 Sagaa' pwara Wîdaasadera mi'na yîma'nyaasarera. Dîvidaasi Nyîdaasakeinyî yîma'neinyî. Sagaa' Jeruzaalemîna Wîdaasade sahwaravî yîwaarasa'na myîlaawie. Aawa. Kwaaka Arevîya a'mwamaayabanna wawena dîvi Anga Damaazîkazîna ayîna yagalaawena bahe.

18 Naangerî kanyîbwarîdaakwa' kwaramé dawaai da' kanyavîlava' sagaa' Jeruzaalemîna Pitarî wîja'neinyî angyîrî'maasa'neinyî yîlaawena wikiya gave dawaai gamînyawî mwaale.

19 Sareinyî Wîdaasade kwalaalyara tîna mwanganyena Jemîzai Naangere gahwaalaangerîjî Pitarîjî saraarî tîna wangane.

20 Sareinyî yagaala da' yîhîthîvanîge' nebulyasi. Gotîyai kadîka yuya nyu'nadaa'nyî “Kwaasi yagaala myîhîzîvanîgeinyî. (Daaina!)” yavîkaryîweinyî.

21 Kwaaka Juthîya Jeruzaalemîdaasi Kwaaka Sîrîya Kwaaka Sîlîzîya anga mannîkebanna wawe.

22 Sagaa' Kwaaka Juthîya mwaalyara Kîraazîtiyarî lîmwadîvîsara kusîlaanyangîyara nîmîre sînnîkî manyanganye'.

23 Sarera pwaraavîre yagaala dara wî'nesa' “O, a'mwei kayaa'na neyakei ‘Kîraazîtiyarî lîmwabînehîlyî,’ wîdîvanîkei daaka! Sai ‘Sabwi kayaaka yîgalîma!’ dakei yagaala tewaanya' duthîvanîka!”

24 Sara wi'nesa'na nĩmĩnyĩna Gotiyari “Byaan-nakeigĩnyĩra,” wĩdĩna ye'.

2

Poliji Widaasade pwaraji saraavĩnesi.

¹ Kwarama piĩakuna (14) kanyavĩlava' nĩmĩji Baanavaazalyi sainaai Taaitazari maarola Jeruzaalemĩna ayĩna yĩlaawo.

² Gotiyai sara kanyĩbwarĩdaakwa' yĩlaawe. Yawĩ'na “Nĩmĩre wawĩnya yagesi wawĩnya kuna yĩvanĩgesi yaasiwa'na nyĩma'nadĩka! Kĩraazitiyare kusĩlaanyaraavi maremwaaidivĩtara daakaji gaveraayaba kave wĩdĩma! Sahwara ‘Polĩ wĩdade' kayaa'nanyasi,’ dĩpiji kwaji ajĩmya yuyangiyara Kĩraazitiyari mu'nyi yĩpi'derera,” sara yawĩ'na yena a'mwe naanga gaveraavi wĩde “Maaveraayawi sana sana wĩdadĩnyainyi.”

³ Sareinyijiyai Taaitazai Gĩrikiyai mwaalaka kirĩ! Juyara Kĩraazitiyare naangera dĩragĩnna mujĩna “Nemĩre Kĩwĩnya' sara dĩnĩke'na gamĩre kĩlaakeji' davaana!” mujĩ nehye'.

⁴ Mujĩ nehyeta kirĩ! pwara kwaasi neya'mwera nemĩnyawĩnna kĩma'nyĩkaanya kave bahe' dame maa'divĩsarabĩsara. Kĩraazitiyai Jizaazai Juyaraavĩreburĩdaa'nyi kanevadaihasamaara' tewaanya mwaiho. Damerabĩsara yawĩ'na “Kumĩrebwi tĩnna wanganawaaji Juyainaavĩrebwi ayĩna pwĩyaana!” yawĩ'na yeva kave bahe'.

⁵ Kave bahesaraavĩre yagaala kadĩka dĩragĩnna mu'nyo. Nemi yawĩ'na “Juyaraavĩre

kiwinya Maaveraavi nurihiradika! Naangere yagaala nebulya warana sahwaravina!” yawi'na yona diraginna mamidinyo.

6 Yi, “A'mwe naangera Kiraazitiyari w'i'nadaanyainaavi maremwaidivisara,” dadivisara nimire yagaala tewaanya' aane piri' kiri'si mye'mwagye'. Nabaai sahwaravina nimi lika myage. Gotiyai a'mwe yuyaraavire sinnyavina avaina yade'na nimi yuyaraavina avaina yawi'dinya'na lika myage.

7 Sahwara yagaala mudika manyije'. Aawa. Kiri' dara wangesasi. Gotiyai Pitari “Juyaraavi kilaaka daya'neravi yagaala tewaanya' duthatheiginyi,” widaasakabaabi' Poli Maaveraavi kilaaka madaya'neravi wija'neri dahilakakelyira.

8 Sare' dare'nesi. Gotiyai Pitari gannya diraginya' kujaava' Widaasadei Apozeliyare wawinya yada kilaaka dayaraavi wijiwaakadevaabi' sahwai gannya diraginya' kanyijaava' Apozeliyainyire wawinya yadi ajimya yuyangiyaraavi wijiwaakadinyainyi.

9 Jeruzaalemi mwaalyara Kiraazitiyarera yawi'na “Jemizai, Sipaazai (Pitai), Joni nemire a'mwe naangere. Simyarera.” Yawi'na kye' sahwara mwaaidivi' dara yawiresasi. Ya, Gotiyai Polimi Apozeliyare wawinya' dahilakya'na yange'na wigaimwagakela! Sara deva “Nemi avaiwawinya yadaanyainera,” deva Baanavaazalyi sinaari ata bwa'nyina nehye'. Nabaai dinyina “Yo, Poliji Baanavaazalyi saraai ajimya yuyangiyaraayawinna kuna wika! Nemi kilaaka dayaraayawi wawinya yaana!”

Dinyina kyo naarimi “Tewaanyasi,” widina yoi.

¹⁰ Yagaala piri' nehithe' “Nemijiyara nigwimaayaraavina wigaimwange'na jawirila!” Nimi sara yadinyainyi wide “Sare'na yilaaya yiwana.”

Anga Aadiyoki Poli Pitarī maanga widake'nesi.

¹¹ Pīgaa' Anga Aadiyokina Sipaa'ai (Pitai) bina yaka kayaa'nanya' yake'na a'mweraayaba sahwari maanga wide.

¹² Sare' dare'nesi. Sinnawi Jemizaryabadaasi pwara mabyesagaa' sai Kiraazitiyarera ajimya yuyangiyaraayaba wapaaya nyina. Wapaaya nyina yaka kiri' sahwara bina kye' sai Maaveraayaba wapaaya manyina. Sai yawi'na “Sahwara diraginna dadi'v+sare 'Maavera kunnya kilaakejikaavi mada'nyadi'v+saraayaba tika manaanera!’ ” yawi'na yaka lika yina yaka wapaaya manyina.

¹³ Wapaaya manyi kya' Juyara Kiraazitiyarera pwara yawita kayaa'nanya yeva avaina manyina. Avaina manyi kye', nabaai, Baanavaazai tinna wanganna yaka diraginna mi yaka manyi yakelyi.

¹⁴ Manyi kye' tinna dara wangane' “O, sahwara yagaala tewaanyavi nebulya' myadi'vi' nayaa yida'na myivanigasara daaka!” Sara dena a'mweraayaba Pitarī wide “Juyaiginyira. Juyaigi kiri' Maaveraavirebwina tewaanna mwaimwaana. Juyaraavirebwina mamwalyiwaana. Sareigi dahaa' ayina Juyaraavirebwi yiwaanya'na 'Ajimya

yuyangiyaihi, Juyaraavirebwina dimwaalyila!
sara divanigi. Sara be'na yivanigi!" wide.

*Jizaazai Kiraazitiyarī wi'nya'nera
Juyarajī Maaverajī saraavī Gotiyai avaina
padaihasamaa'de'nesi.*

¹⁵ Nenimaangera Juyara mwaaidapiji
mudangegaa' Juyaina yima'no. Juyara
dina "Ne Mozizare Kiwinya myadivisara
kayaa'nanyarera." Sare' Juyaina mwaidaa
ajimya yuyangiyaina kayaa'nanyaina
mamwaalyigoina

¹⁶ kiri' dara yawi'mwosi. O, pwai
Gotiyare Kiwinyabwi yada Gotiyai mujina
"Yida'maraangeiginyi," mujina. Aawa.
Pwai Jizaazai Kiraazitiyarī limwaga'da
Gotiyai widina "Yida'maraangeiginyi,"
widivanikelyira. Sare' nemī saina
Kiraazitiyarī Jizaazari limwamwo. "Kiwinya
dinikebwi mididaa Gotiyai 'Yida'maraangeigi,'
manejadelyi. Kiraazitiyarī limwadaa Gotiyai
'Yida'maraangeigi,' nedana!" dona sara
limwamwo. Kilaa'naka aane pwai kwai Gotiyare
Kiwinya midida Gotiyai "Yida'maraangeigi,"
mujinike'na Kiraazitiyarī limwamwo.

¹⁷ Nemī Kiraazitiyarī wīlamwaidaanya'na
tewaanyaina nemwaaihivanikeinera. Sara
yadaasi Juyara nenganeva nedivaniga' "Juyaihi
kiwinya' navika yadivi' kayaa'nanyaihi
Maaverabisaihi yima'nīwaa'. Sare' sarimire
Kiraazitiyarī kayaa'nanyabwi wakadelyi." Sara
nedivanigasa' Gotiyai yawi'na "Arikewinyira.
(Kiraazitiyarī nīmirebwi yadelyi.)"

18 Sare' dare'nesi. Kiwinya'na Gotiyai “Yida'maraangeiginyi,” muji neyake'na Kiwinyabwi wa'dinyi Kiraazitiyari limwadaa Gotiyai “Yida'maraangesi,” nedadelyi. Nimi ayina Kiwinyabwi yiwiji kwaji kayaa'nanyabwi yadinyainyi kyima'niwidika!

19 Sare' dare'nesi. Kiwinya'na baimweinyi. “Yida'maraangeinyi yima'nima!” dena Kiwinyabwi yaamiji yaamiji yena aawano. Tewaanyainyi myima'nyawe'na “Kiwinyabwi aalo,” dena sabwina baimweinyi. “Gotiyarina gaala mwaalima!” dena sabwina baimweinyi.

20 Kiraazitiyari wlamwaaiheinyina Kiraazitiyai yisavi balakegaa' nimi bainikeinyi. Sare' nimi sainyi mamwaalyige. Kiraazitiyai sahwai wilanyimwaalikeinyi. Dahaa' kilaa'nakeinyi mwaaiheinyi. Gotiyare Gawaaliki limwadit mwaaiheinyi. Sai niminyina tewaanya wivu'nakelyi. Gamit sai niminyineba marimwanginaka yarai balakelyi.

21 Gotiyai a'mweraavina yange'na wigaimwangebwi wanganakina myiwina! (Kiraazitiyarina yawi'dinyainyi.) Sare' dare'nesi. A'mwe pwai Kiwinyabwina nayaa yada Gotiyai “Yida'maraangelyi,” widazit kwaji Kiraazitiyai yaasiwa'na kabaladika! (Kiwinyabwina Gotiyai “Yida'maraangeiginyi,” muji yanne'na Kiraazitiyai neminyina bala!.)

3

Gotiyai “Yida'maraangeihilyira,” nedathevwines.

1 Galeziya mwaalyaihi sīdu'maayaihi! Sarimire simunya ginyiwange' gara yima'nīwaka! Sareihiri Jizaazai Kiraazitiyai yisavi baimwake' nimi kave yihithe' sarimi dara desa' "O, sahwai baimanikeri tinna dangamanigo!"

2 Gave pirī' yihu'nima! Kiwinya dinike' sara yesa'na Gotiyare Kuryari maaresaihi daa! Aawa, yagaala tewaanya' kadika wi'neva Kiraazitiyari limwaga'divi' gannya Kuryari yihizaava'.

3 Sare' sīdu'maayaihi daaka! Sinnawi Gotiyai gannya Kuryari yanga kyihizaava' sarimi tewaanna mwaalesaihiyi. Dahaa' "Ninnya kilaakevi diraginyasi naanga yune nebulya'nanyainyi yima'nideinyi," dathivaniga'!

4 Taanga naanga yihyake' diraginna mwaalesa' yaasiwa' jima'nīwaka! "Aawa, yaasiwa'na mika!" yawi'manige.

5 Sarevīdaa'nyi ayina yihithima! Kiwinya dinikevine wawinyanna sara yesa'na Gotiyai gannya Kuryari wijaavaka sariminyaba atika diraginya wi'narya'ne yakei daa! Aawa, Kiraazitiyari limwagasaburine wi'nya'na Gotiyai sara ya'.

6 Nabaai, Ne Eviraami avaalyabaaibi' Gotiyari limwagyaakelyi. Da' dinike' "Sai yawi'na 'Gotiyai nebulya' nyidiwa',' yawi'na yaka Gotiyai dina 'Niminyi nyilimwamwake'na a'mwe yida'maraangei wimwaaihwe'na diwana,' dina ya'."

7 Sarevīdaasi sarimi yawi'na "Ne Eviraami Gotiyari limwagyaakeibisaina

Gotiyari limwagya'neina Ne Eviraamimire gawaalivaangeina nebwina mwaaiho,” sarimi yawi'na yipineihilyi.

⁸ Nabaai Gotiyare bukuya' sinnawi sagaa' dinike' ajimya yuyangiyara limwabi'de'na “Yida'maraangeihilyi,' widdideinyi.” Sare'na sinnawi Gotiyare bukuya' Eviraamimi yagaala tewaanya' dinike' “Nyilimwamwaanya'na ajimya yuyangiya yuyaraavina tewaanya naanga yanga wideinyi. Maariderera,” sara dinikesi.

⁹ Sare' Eviraami Gotiyari limwagyaakeriji nemi a'mwe Gotiyari avaina limwamwoinaavina Gotiyai tewaanya naanga yanga nejaawakeinera.

¹⁰ Sare' dare'nesi. Kiwinyaburine wawinyanginera yi sahwara Dikevi marasi'nya'nevi dalaangewi mwaaiha'. Sare' dare'nesi. Dara dini' “Gazaigizaigi yuyagaa' Kiwinyaviya bukuyavi dinika yuya sa kuna myadinyaiginyi Gotiyai Dikevi gimarasi'nadelyi.” Sara dinike'na yuyara sara myadivi' Dikevinerera.

¹¹ Nabaai, Gotiyare bukuya' dinike' “Pwai Gotiyari limwade sarerina Gotiyai Yida'maraangelyi,' doziyai yuyagaa' gaala mwaaladelyi.” Sara dinike'na nemi tinna dara diraginna wangamanigo' “O, Kiwinya yivanike aane pwai kwarina Gotiyai Yida'maraangelyi,' maji yivanikei daaka!”

¹² Kiwinyabwi pibulyi. Limwagasa'nebwi pibulyi. Avaalyaburaai mika. Aawa. Dinike' “Kiwinya yuya ya'gizi gaala dimwaaide'nengira

mubya'bi'."

13 Nemi Kīwīnya yuya myadaanya'na yuyainaavi Dīkevi nemarasi'nya'neina mwaiho. Sareinaavina Kīraazitiyai ayina nemuba'. Sare' dara dīnike' "Gazaizari yisavi maratamarimwidaakwipi'deri Gotiyai Dīkevi marasi'nadelyi." Kīraazitiyari yisavi neminyineba kamaratamarimwidaakwe' Gotiyai Dīkevi marasita'neba sai yima'naabaka ayina nemaarakelyi.

14 Gotiyai "Ne Eviraamimi tewaanya naanga yanga wiaanya' Jizaazai Kīraazitiyarina ajimya yuyangiyaraavine' yima'nana!" daka, nabaai neminyina "Sahwara, Kīraazitiyari kalimwagapiji Kuryai Tewaanyarine yune naanga nebulya'na wide sari maapika!" kada' Dīkevi marasi'nya'nei yima'naka ayina nemubakelyi.

Kīwīnya' Gotiyare yagaalyavi mwavilayi yannesī.

15 Nya'mweihi, a'mweinaavirebwinanya' yihiziwaakima! A'mwei yawiraka wilmwagarike sare' yikwiavi yavikaryaka gan-nya yaya yavikaryake' pwara magalazekivalyi yipinere. Yagaala piniji mye'mwagyī yipinere.

16 Nemirebwi yigovaaibi' Gotiyai yagaalya Eviraamimiji gamire diviya'nei yisiwiariji yune naanga nebulya'na wijaake kuna warī' tewaanya'na. Gotiyare bukuya' majinyi' "Diviya'neraava." Kwalaalyaraavina majinyikesi. Aawa. Dara dīni' "Diviya'nela,"

gave pwarīna dīnīkesī. Nabaai, Kiraazītīyarīna dīnīkesī.

17 Kuna warīke' dara dīvanīge. Gotiyai Evīraamīmī yagaalya' yune naanga nebulya'na wīdaka wījaa' "Sara gīthīwe' sara yīdeinyī." Sīnnawī sagaa' wīlīmīwagarake sa' wīdaka kwaramē dīviyājī kwaramē naanga naanga (430) wavīlayaakegaa' dīvidaa'nyī Ne Mozīzarī Kīwīnya' wījayaa'. Dīvidaa'nya' sīnnawīnyavī magalazekīvalyīnīkesī. Yaasīwa'nanya' mwakyīnīkesī. Aawa. Sīnnawīnya' Gotiyai Evīraamīmī yune naanga nebulya'na wījaake' kuna warīkesī.

18 Sare' dare'nesī. Evīraamī Kīwīnya' yaakevīdaa'nyī Gotiyai wījaake' wījaavājī kwājī Gotiyai yune naanga nebulya'na wījaakevīdaa'nyī myīma'nyī kyadīka! Kīrī' Gotiyai Evīraamīmī yune naanga nebulya'na wījaake'na wījaavakesī.

19 Gotiyai yune naanga nebulya'na wījaake' kuna warīkevīdaa'nyī dīvidaa'nyī Gotiyai Kīwīnya' be'na wījayaa'? Da'na yīnīkesī. A'mwera kunnya kayaa'nanya wangadīvī' dīna "O, sareburī kayaaka galazekīvaina yīvanīgoine. We'." Sare'na Kīwīnya' wījayaake'nanyī. Evīraamīmīre yīsiwīai Jīzaazarī yune naanga nebulya'na wījaakeī bakegaa'nanyī. Nabaai, Gotiyai dīragīnna wījaake' naangesī. Gotiyare Kīwīnyabwī maalīkesī. Kīwīnya sa' Gotiyai ejelīyaraavī kujayaa' a'mwe pwai Mozīzai tīnnyaba mwalyaakerī mamaayara kujayaa' sai a'mweraavīna wījayaakesī.

20 Tīnnyabanyai gave pwarīna mī'. Gotiyai

gave pwalyîra. Yune naanga nebulya'na wîjaake! Evîraamîmî Gotîyai gavei wîjaakesî. Tinnyabanyai mamwalyaakesî. Sare'na yune naanga nebulya'na wîjaake! naangesî.

Kîwînya'nesî.

21 Sarevîdaa'nyî Gotîyai yune naanga nebulya'na wîjaakengî Kîwînya' kayaaka yîgaimanîke! daaka! Arîkawî. Sare! dare'nesî. Gotîyai yune naanga nebulya'na wîjaake! gevînesî. Kîwînya' gevînesî. A'mwera gaala mwaabî'de'na kîwînya wîjaavajî kwajî kîwînya sa kyaadîke! Gotîyai nemînyîna “Yîda'maraangeigînyî,” kanedathîka! Sare! mî!. Kîwînya sa mwarikengî.

22 Aawa. Gotîyare bukuya! dînî! “A'mwe yuya kwara kayaa'nanyaburî kwaakevî wîla pwîyînikerera.” Gotîyai “Evîraamîmî yune naanga nebulya'na wîjaanya! a'mwe Jîzaazai Kîraazîtiyarî lîmwabîzaraavîna wîjaavîma! ‘Yîda'maraangeihîlyî,’ wîdîma!” daka kayaa'nanyaburî marulawaka!.

23 Kîraazîtiyarî lîmwange'negaa! myîma'nyakegaa! Kîwînya! nevwîyînikê! Juyainaavî kalavuzavî nemaremwaala!. Kîwînya! wothaayaibîsa! nemaremwaaidîsî Gotîyai Kîraazîtiyarî lîmwagaaza! kaneyîbwarîdaakwa! saggaa! nemaremwaalake! mî'nanyî.

24 Kîraazîtiyai mabyahaa! Gotîyai Kîwînya! kanejaava! Kîwînya! neyîgîvaangeibîsa! dîragînna nemaremwaalakesî. Gotîyai yawî'na “Sahwara Kîraazîtiyarî lîmwabî'de'na

‘Yida'maraangeiginyi,’ widima!” daka
neyigivaangeibisa' wakakesi.

²⁵ Kiraazitiyarì limwagaazahaa' mi'na
kyima'na' neyigivaangeibisa' manem-
maremwaalyikesi.

²⁶ Sare' dare'nesi. Yuyaihi Kiraazitiyai
Jizaazarì limwamwaasavina Gotiyare
gawaalivaangeihi mwaaihasaihiyi.

²⁷ Sare' dare'nesi. Sareihiri Gotiyai
tewaanna yihyake'na Kiraazitiyarì bavitaaziya
wilyaihimwaihaka yuyaihi yi sahwaihi
Kiraazitiyai kininnakeihiyi.

²⁸ Kiraazitiyai Jizaazarì wìlamwaihaha'na
Gotiyai yuyaihiri avaina yihimaara'. Gotiyai
myawiri “Sai Juyai, sai Girikiyalyi. Sai
yaasiwa'wawinyai, sai maremwaainadelyi.
Sai kwalyai, sa' balyasi.” Sare' dare'nesi.
Dazaraavina myawiri yada yawi'na
“Kiraazitiyai Jizaazarina sai nimirei
yima'nana!” yuya saihi gave pwaihiyi.

²⁹ Sare'na Kiraazitiyareihi mwaai-
hasavidaa'nyi Eviraamimi gawaalivaangeihi,
yisiwaihi mwaaiha'. Sare'na Gotiyai
Eviraamimi yune naanga nebulya'na wijaake'
yihizaavadelyi.

4

¹ Yagaalya' yihithiwe da'na yihithivanige.
Kaimale pwai ganimaangere gilyivita yuya
maaradelyi. Gamire yuya wa'di'nyi kiri'
kaimalei kuna mwaalike'na mamaaryivanikelyi.
Sare'na kaimalegaa' yaasiwa'wawinyaibisai
mamaremwaalyikelyi.

2 Kaimalei mwaaidi'nyī ganīmaangei sara widake'na pwara gamīnyī maremwaaina yadapījī nabaai, pwara gilyivisangi maremwaaiha'. Dīvi ganīmaangei wīdakegaa' yīma'nadehaa'na sagaa' gawaalīvaangei sahwai maremwaaladelyī.

3 Sabaai' mwaalosīra. Kaimaleina mwaalogaa' Kwaakevakīyabwina mwaidaa "Sa' kīmaakesīra. Da' minna! Sa' minna!" yawī'daa sana sana yadaa saburaavi yaasiwa'wawīnyainera.

4 Gotiyai dahīlakyaa'kegaa' yuna yīma'nakegaa' Kwaakevakīna gannya gawaalīvaangeri wīdasaabīna. Wīdasaabīna kya' a'mwe' maarakei yīma'nakelyī. Nabaai, Gotiyare Kīwīnyavi dalaangewi marulavemwaaidei yīma'nakelyī.

5 Kīwīnya' yaamījī midīdīvisara "Gotiyai nīmīnyīna yawīrana! 'Sai yīda'maraangelyī.' Yawīrade'na Kīwīnyabwi yīma!" dadīvisaraavīnesī. Yī nemīnyīna "Nīmī maryaavīma! Nīmīre nyībwaalīvaangera yīma'nīpīka!" daka Kīwīnyavi dalaangewīnyaraavīna "Nyībwaalīvaangei ayīna wīmubana!" kada' sahwai Kīwīnyavi dalaangewīnyai yīma'nakelyī.

6 Yī sarīmī gawaalīvaangeihi mwaaihasa'na Gotiyai Gawaalīvaangere Kuryai Tewaanyari nemīre sīmūnyangi wīdasaaba'. Kurya sai wīlanemwaalaka nejīwīryadaa'nyī Gotiyari dīragīnna wīdīvanīgo "Tataai! Nīmwai!"

7 Sare' yaasiwa'wawīnyaigī kuna mamwaalyīgī. Aawa. Gawaalīvaangeigī

mwaaihi. Gotiyai sara yake'na gawaalivaangeigi
mwaaidi Gotiyai gawaalivaangeraavi
wijaaya'ne dimaa'deiginyi.

*Polī Galeziya mwaalyaraavina simunya
kwalaalya yawirake'nesi.*

⁸ Kigaa' Gotiyari myawiryesa'na kwaasi
diraginyara (kwaasigotiyara) mamwaalyesara
wila yihivwiyadivi' yaasiwa'wawinyaihi
widaayadivisaihiriri yihimaremwaalesaihiyi.

⁹ Kiriri' dahaa' Gotiyari yawirangamanigasa'na,
nabaai, diwija' piriri', dahaa' Gotiyai
yihyawirangamanike'na Gotiyari be'na ya-
galya'ma'maniga! Sara yivanigasa' "Yimakera
ayina nemaremwaabika! Kwaakevakiyabwi
yaana!" dimanigatabaabisasi. Sahwara
diraginya maayarera. Waryaanyarera.
"Sahwaraavire yaasiwa'wawinyaina ayina
yima'naana!" be'na dimaniga!

¹⁰ Sareihi ayabaabiri' yawi'na "Gotiyai
niminyina yawi'na 'Yida'maraangelyi,'
yawirade'na Kiwinya' yima!" yawi'na yadivi'
yirikengiji lawengiji kwaramengiji kimaaka
mwaaimanigasaihiyi. Simunya dazabwi
nawinyabwi mika!

¹¹ Sareihirina simunya kwalaalya
yawimanige. Mi'na yage'na tewaanyaihi
mwaalina yesaihiyi. Nimi yuya sariminyina
yage yaasiwa'na nyima'nadika!

¹² Nya'mweihii, diraginna yihithivanige.
Kiwinya'na nimibisaihi yima'nipineihiiyi.
Kiwinya' majesaihibisainyi yima'neinyina

yihithivanige. Kigaa' aane pirī' kirī' kayaa'na manyesaihilyi.

¹³ Nabalınakeinyi mwaale'na sinnawi sagaa' sariminyawinna wawena yagaala tewaanya' yihithe yawi'mwaa'.

¹⁴ Dara wanganesa' "Akai, Polimire kilaakejiki nalaaya naanga wivanikei daaka!" Sara deva kirī' niminyina maji "Waryaanyalyi," maji yadivi' nabaai, bule'na manyijaaye'. Aawa. Sariminyawinna ejeliyai bazari tewaanna wipinebaaibi' tewaanna nyesaihilyi. Nabaai, Kiraazitiyai Jizaazai bazari tewaanna wipinebaaibi' tewaanna nyesaihilyi.

¹⁵ Sarevidaa'nyi niminyina yilaaya naanga ye'. Dahaa' yilaaya sa' gava warikavaka! Sare' dare'nesi. Sariminyina dara jalikurakivanige. Ai, sahwara niminyina yuya yipjara daa! "Wigaimwange'na nennya tinnyangi jiwa'mwanna yawaaji Polimina wijavaajainaava," sabaai' yawireva.

¹⁶ Nebulyabwi yihithiwe'na jawi'maniga! "Polī nemire yikamaangei mwaali'." (Yawita sasare sa' "Aala!" diwa.)

¹⁷ Pwara yilaaya yihimarivanigasara tewaanya'na myihizivaniga'. Wabwiwayagaala yihithivaniga'. Sahwara yawi'na "Neminyi yilaaya neyipika! Polimire yagaala mu'nipinera!" deva sara yiwaasa'na wabwiwayagaala yihithivaniga'.

¹⁸ Tewaanya'na a'mwera yilaaya wimaryadivisa' yuyagaa' tewaanyasi. Sarimi yilaaya nyesa' tewaanyasi. Dahaa' sariminyawi mamwaalyige'haa' yilaaya nyipija' tewaanyasi.

19 Nīmire kaimīraayaihi, a'mwe! bwaranyarī maa'dehaa' daanga naanga wividevaaiḃ! sariminyina ayina daanga naanga nyivimanī'. Sarimire simunyangī sarimire munyangī Kiraazitiyai yunebanna wīlayihimwaaladehaa'na taanga sa' mi'na mwi nyadesi.

20 Sariminyaba mwaaimujainyi! Pīkarya myavīkarya'na nīmire maanguraaya' yihithide'na sariminyaba mwaaimujainyi. “Gara widijwana!” yawī'di taanga nyivanikeinyi.

Ehaavīnaji Seraavīnaji wīdake'nesi.

21 Dīnyijila! Sahwaihi dīna “Kīwinya' nemaremwaalana!” dīna yivanīgasaihi dīnyijila! “Kīwinya sa' dīnīke' mu'nyīwaasaihi daa!”

22 Sare' dare'nesi. Dara dīnīke'. Evīraamī gawaalīvaangeraai kīnīnnakelyi. Pwai Yīzīmeli, pwai Aazakī. Wīdaayade' Ehaa' Yīzīmeliḃmī maryaa'. Gamire balaange' Seraa' Aazakīmī maryaa'. Seraa' wīdaayade' mī'.

23 Kīrī' a'mweinaavīreburīne wīdaayade' Yīzīmeliḃmī maryaa'. Gamire balaange', a'mwe ne' mwaaidī'nyī Gotiyai Evīraamīmī yune naanga nebulya'na kujaa' Evīraamī Gotiyarī līmwagyaake'na Aazakīmī maryaa'.

24 Yagaala sa' ke'ba'na dīnīkesi. Sare' dare'nesi. A'mwe sawaai yagaala wīlīmwagarīkewaalyi. Ehaa' Mugunya Saainaayavī Gotiyai Kīwinya' wījayaake' sahirīsi. Ehaa' wīdaayade' yaasīwa'wawīnya'ḃsa' mwalyaake'na

savirera yaasiwa'wawinyara mwalyaasarera. Nabaai, Mugunya Saainaayaviya Kiwinya' a'mweraavi pwiyinikera yaasiwa'wawinyara mwaihasarera.

²⁵ Mugunya Saainaaya sa' Kwaaka Areviya warike' yi' Ehaa'. Nabaai, Ehaa' Anga Jeruzaalemi dahaa' mannike' sahirisi. Sare' dare'nesi. Juyara dinyina “Jeruzaalemi nemire anga naangebera,” dinyina yivanigasara Kiwinya' mididivisa'na Kiwinya sa' pwiyinikesi. Davaki Jeruzaalemiyara yaasiwa'wawinyarera.

²⁶ Sarera diraginna mamwaalyiga'. Aawa. Jeruzaalemi munyaba Gotiyarebanyaina Kiraazitiyareina diraginna mwaiho. Sabajiyaina yaasiwa'wawinyaina mi'. Aawa. Nenaange' Seraavireinera. Gotiyai neminyina yune naanga nebulya'na dinikeina Aazakibisaina mwaiho. Nemi Kiraazitiyari limwadaanyaina tewaanna mwaiho Jeruzaalemi munyabajiyaina.

²⁷ Sare' dare'nesi. Jeruzaalemi sabanyaaina ke'ba'na dinikesi. Jeruzaalemi munyabanya'na dinike'

“Kaimiraaya maaya'gi yilaaya ja!

Jakaji jikaji ‘Su!’ dinyidangana!

Mamaaryadinya'gi yilaaya naanga ja!

Githaasake'gire kaimiraaya naanga
mwaihib'dera.”

Gotiyarina munyabajiyaina tewaanya diraginna mwaiho'na dinike'nesi. Jeruzaalemi davakiya'na dinike'

“A'mwanakevire pwai pwai
mwaajib'demilikera.”
Sara dinikesi.

²⁸ Nya'mweihi, Kiraazitiyarì limwadivisaihi
Aazakibisaihilyi. Gotiyai Eviraamimi yune
naanga nebulya'na wijaakei yima'nyaakabaaibi'
yune naanga nebulya'na wijaaka sa'
maa'divi' Gotiyai dina “Yida'maraangeihilyi.
Nimireihilyi,” dina yakeihilyi.

²⁹ Ehaa' kilaa'naka a'mweinaavirebwina
maryaakei Yizimeli Aazakimi kayaa'na yina
yaa'. Yi Gotiyare Kuryai sara yaake'na
maryaakeri kayaa'na yina yaa'. Sabaai'
Kiwinyabwi yivanigasara Kiraazitiyarì
limwadaanyainaavi kayaa'na neyivaniga'.

³⁰ Kiri' Gotiyare bukuya' beri' dini'? Dara
dinike! “Widaayadesi gawaalivaangelyi sanaari
duthaaso! Sare' dare'nesi. Ganimaangere
yuyangi widaayadevirei maaarannera!
Arikewi. Gamire balaangevirei gavei
maarade'na duthaaso!” sara dinikesi.

³¹ Sarevi, nya'mweihi, yaasiwa'wawinyavireina
mi'. Aawa. Balaangevireinera. Gotiyai
neminyina “Kiraazitiyarì limwamwaasara
nimire. Nimire tewaanya yuya maapi'dere,”
dinikeinera.

5

*Kiraazitiyai nevwiyinikeinaavi neyara-
maarake'nesi.*

¹ Nemi tewaanya diraginna
mwaalya'neinaavina Kiraazitiyai
bala'. “Yuyabura pwiyinikeraavi

yaariṁa!” daka nevadaihasamaara'. Sareṁdaa'nyī kuna diraginna dithaaka! “Yaasiwa'wawinyabulyainyī ayīna nyīma'nīwidika!” da'gizi Kiwinyabwi myawī'dinna!

² Du'nana! Polinyī kave dara githivanige. Gimi yawi'na “Gotiyai nīmīnyīna ‘Yīda'maraangelyīra,’ dana! Sare'na nīmī Kiwīnya' yadī kīlaakejīkī nyīdapīka!” Sara yīja! Kīraazītiyāi yake'na gīmīnyīna gīhaimwagake' yaasiwa'nanya' yīma'nade'nanyī.

³ Ayīna diraginna gīzalikurakīma! Gazaizai yawi'na “Yīda'maraangeinyī yīma'nīma! Pwara nīmīre kīlaakejī' nyīdapī'de'nanyī,” yawi'na yojī sai Kiwīnya yuneba yannei tīvīkīsa'nei yīma'nade'nanyī.

⁴ Gimi yawi'na “Gotiyai nyīdana! ‘Yīda'maraangeigīnyī.’ Nyīdathe'na Kiwīnyabwi yīma!” Sara yawi'na, yīna yīwaanya'na Kīraazītiyāi yagalya'ma'mwaa. Gotiyai yange'na gīhaimwagakevī bwala'mwaawī.

⁵ Sare' dare'nesī. Nemi Kīraazītiyāi līmwadaa Gotiyare Kuryai gannya diraginya' nejaavada yīlaaya yadaa yemwaaīho. Aayagaa! Gotiyai yuyaraayaba “Yīda'maraangeihīlyī,” nedathe'na yemwaaīho.

⁶ Sare' dare'nesī. Nemi Kīraazītiyāi wīlamwaaīho'na kīlaakejī' daya'nebwi yaasiwa'nanyāsī. Nabaai kīlaakejī' madaya'nebwi yaasiwa'nanyāsī. Nemi Kīraazītiyāi līmwadaanyabwi pwaraavīna tewaanya nevu'nadevīna wawīnya yadevwi naangaangesī.

7 Sīnnawī Kīraazītiyarīna kaanyave'na nayaa wawagīnyaigīnyī. Gīmīnyī aai galagīrihī'mwaka! Sare' nebulya' mamīdīnyī be'na yīvanīgīna!

8 Mīdīnya saburīna Gotīyai givwaramaa'manīkei sara magīzīwaakyīwa'.

9 Dadaanya' "Pamidakade yīzīya maalikemīlī' bīretiya naange' pamidakadesīra."

10 Sare' kīrī' nīmī sainyī Kīraazītiyarī wīlamwaaīhe'na dīragīnna yawī'mwa "Sara yawī'manīge Galezīya mwaalyara sara yawīpī'dera. Aane pībwi kībwi myawīri, avaaīna yīpī'dera." Nabaai, a'mwei gīmīnyīna taanga gīzaavanīkerī Gotīyai kayaa'na wiadelyī. A'mwe naangei dīngaka? A'mwe maalikēi dīngaka? Sarerī Gotīyai wīrīvīkīradelyī.

11 Nya'mweigi, pwara nīmīnyīna kwaasī wīdīna "Sai wīdīna 'A'mwera kīlaakejīkaavī da'nyīna kyapījī Gotīyai "Yīda'maraangeihīlyī," wīdathelyī." Sara wīdīwījī kwajī kayaa'na kuna mi kanyīpīdīka! Savīdaa'nyī nebulya' warajī kwajī yīsavī Kīraazītiyai balakevīne wagīla wīvwā'nyabwī mena kyīma'nadīka!

12 A'mwera "Kīlaaka dītha'nyīla!" dadīvī' gīmīre sīmunya kayaaka yīvanīgāsara kunnya kīlaakejīkaavī yune'na da'nīpīka!

13 Sare' dare'nesī. Nya'mweigi, sahwaigīnyī Gotīyai gīthahīlaka' "Wīla pwīyīnīkerī yaarīma!" Sara gīthahīlakaka sara kagīzīvwaramaara' tewaanna mwaaihīnyaigīnyī. Mī'na gīthīwe'na dara myawī'dīnna! "O, Kīwīnya' manevwīyīnyīka.

Su! Su! Kîlaakejikîne yuya tewaanyajî kayaa'nanyajî yîma!" Sara myawî'dinna! Sara myînna! Aawa. Gyaarakeigî ja'mweraavîna kale gyada yaasîwa'wawînyaigî wîgaimwanna ja!

14 Sare' dare'nesî. Gotiyare Kîwînya yuyavî aaya kaavîlya' dara dînike' "Gîmî saigînyîna kale gyadevaai' pwaravîna kale gyana! Duhaimwana!" Yî yagaala sahîrîsî.

15 Sîwaaka, malakayaaryarabîsaihi myîma'nîpîna! Maanga, sinna tîka daya, mala sazabwi myîpîna! Sara yapîjî, yîthaanyi, gazaihizaihîrî kayaaka yuna nyîgainîpîdîka!

Kwaakevakîya yawîsabulyî, Gotiyare Kuryare yawîsabulyî saburaarînesî.

16 Da'na yîhîthîvanîge. Gotiyare Kuryai sara kagîthozî kuna sara ja! Sara ya'gîzî gîmîre sîmunya ayabwi mi jîtheigînyî. Arîkawî.

17 Sare' dare'nesî. A'mweina sîmunya yawî'daanya' Gotiyare Kuryai yawî'de' yaamîjî dathîwanna. Nabaai, Gotiyare Kuryai yawî'de' a'mweinaavîre sîmunya' dathîwanna yannesî. Sare' dare'nesî. Gotiyare Kuryare sîmunyasî a'mweinaavîre sîmunyasî yîkamaangewaalyî. Sare'na Kuryai gîthada gînnya sîmunya' "Pîbwi ja!" kagîthozî sarebwi minneigînyî.

18 Sare'na Kuryai kuna gîmaremwaalajaigî Kîwînya' mamaremwaalyî gyatheigînyî.

19 A'mweraavîre sîmunyabwi yuyaina yawî'manîgovulyî. A'mweraavîrebulyîyara dara yadîvîsangî. Ata limwangebwi yîna. Yaawaryaraavîrebwi yîna. Gîrîkita'nanyabwi

yîna. A'mweraavî a'mwengi yaasiwa'na kayaa'na limwangebwi yîna.

20 Yîsaraavî, silaangeraavî, nyîlyari, laweri, silîngaamînyaraavî a'mwa'mweraavî yîlaayabwi yîna, kulaka maarya'nebwi yîna. Gîri'nya, lakya, kwalya dazabwi yîna. Yîkamaangebwi yîna. Maangebwi yîna. Pwaraavîre tîganaarya yadîvî' "Maa'mujainyî," dîna. Sîna tîka wîdaya'nebwi yîna. Kunnya yaya makinyîna yadîvî', pwaraavîna kale mwia'nebwi yîna. Jaapaina yadîvî' pwaraavî wanganakîna. Kumîjîyaraavî bîrala yadîvî' "Nemî tewaanyaine," dîna.

21 Pwaraavîre naangengi'na "Maa'mujainyî," dîzabwi yîna. Pwaraavî tamakîna. Bîyaaya saza nadîvî' yîmaka wîlîna. Nabaai bîyaaya nyîna kwarama kayaa'nanyabwi yîna, avaanna kayaa'nanyabwi yîna. Sara yadîvî'sangi. Nabaai, sasarebura pîburajî yadîvî'sangi. Kîgaa' gîthevaai' dîragîna ayîna gîthîvanîge. Sasare sabwi minna! Pwara saza yadîvî'saraavî Gotîyai nayaa mamaremwaalyî yadera Gotîyare yuyanna mamaari yîpî'derera.

22 A'mweraavîre sîmunyabwîna kayaa'na yadîvîta kîrî' Gotîyare Kuryai nemîre sîmunyanna maremwaaîda yîsîla nawî'nyabîsanna tewaanyainaavî nemwaaîhîvanîkelyî. Sare' dara yadaanyasîra. Pwaraavîna kale neyada, sîmunyangî yîlaaya yadaa, kwaamu'nanyabwi yadaa, pwara kayaa'na neyadaapîjî sîna tîka yarai madayî neyade'na dîragînyaina mwaaîda, bîwîwana yabwi yadaa, pwaraavî tewaanna wîadaa, sara

widadaanya yuyagaa' sara yadaa,

²³ kave yigoina nennya yaya mamakinyadaa, simunya kayaa'nanya' "Aala," dīvanigoina dīraginna maremwainadaa Kuryai nemwaai-hadelyi. Sara yadaanyainaavi Kīwinya yagaalyasi manejinikengi.

²⁴ Kīraazitiyai Jizaazareina dara yawi'manigo. A'mweinaavire simunya dīraginya myannebwi Kīraazitiyare yisaviri mi'na yeramwo. Sare'na kayaa'nanyabwi manemaremwaalyikeinera. Yi simunya kayaa'na dika widadeji wima'nadeji yisaviri mena yeramwo. Yuya dazabwi dīvanigo. Aala! Sarebwi Kīraazitiyai balake'nanyi.

²⁵ Sare' "Kuryari mwaiho," daaza' yi nabaai Kuryari kaanya yamaryaana! Gamire yagaalya' midinaana!

²⁶ "Nimi tewaanyainyi. Pwara kayaa'nanyarera," madaanna! Pwara simunya kwalaalya yawipi'de'na myaanna! Pwara kanevilavapiji birala myaanna! Aawa. Kuryare dīraginyavi mwalaana!

6

"Pware taanga dimakwona!" widake'nesi.

¹ Nya'mweihi, sarimi dara yenni-pija' "O, nemijiyari yiwetawakya' jima'niwaka!" Gotiyare Kuryari mididivisaihi sarī nayaa yavada'gaina jila! Birala, maanga nudipidika! Aawa. Kave bwiwanna widina jila! Ginnya mwaalyabwi nayaa jawika! "Nimi kave mwaala'muji Saataani avaalyabwi yide'na

nanyimwaaihadika!” da'gizi Kuryari diraginyavi dimwaala!

² Da'na yihithivanige. Gazaizari taanga widaa'nyi wigaimwange'na taanga sa dimakama! Duhaimwana! Sara ya'gizi Kiraazitiyare kiwinya' mi'na jithesi.

³ Sare' dare'nesi. Pwai myawiranna! “Pwara kayaa'na yivanigasara maalikera, nimi naangeinyi. Dazabwi myi yideinyi.” Sara yawi'de sa' kwaasi yawi'devulyi.

⁴ Kiri' gazaizai gannya yivanikengi nayaa yawibwata yannelyi. “Tewaanyasi,” dozi sare'na yilaaya yannelyi. Sai myawirina “Pwai kayaa'na yivanike', sainyi tewaanna yivanigeinyi,” sabwi myawirannelyi.

⁵ Aawa. Gazaizai gannya yivanikengina Gotiyai yawibwata yadelyi.

⁶ Kiraazitiyare yagaala yihiziwaakadivisaraavi pwaihi kadika wi'nadivisaihi tewaanya yuya jaapaina yipneihlyi.

⁷ Simunya kayaa'nanya' myawipina! Gotiyari kwaasiyara pihadika yipjaraavina Gotiyai yuna yawi'manikelyi. Sare' dare'nesi. A'mwe pwai buridaza yi sahinī maaradelyi.

⁸ Sai kayaa'nanya buridazai kayaa'nanya maaradevaajib' pwai a'mweraavire simunyabwina gamire kilaakevi yajai kayaaka yigainadelyi. Kiri' pwai tewaanya buridazai tewaanya maaradevaajib' pwai gamire kuryari tewaanya buridazai yi Kuryai Tewaanyari yuyagaa' yuyagaa'ne gaalyabwi maaradelyi.

⁹ Nemi tewaanyabwi yadaa simunya

waryaanya myawiraanna! Sare' dare'nesi. Kuryari diraginna kuna yaajaina Gotiyai dahilakakegaa' tewaanyanna maraadeinera. Sare'na nayaanna yadawaaji maa'na maneyinanna!

¹⁰ Sarevīdaa'nyi yuya'na yaajahaa' yuyaraavi tewaanna wiaana! Yi, Kiraazitiyari limwadivisabulyiyaraavi kinidakaavi diraginna tewaanna wiaana!

Yagaala aaya'nesi.

¹¹ Pwai nīmire yagaalya' kyavikaryiwa' dahaa' pikariyisari' maarena ninnya atasī pikarya yihyavikarivanige. Nīmire pikarya naanga danganyila! Pikarya sa tinna wanganapiji “O, Poli nebwi neyavikariwaka!” dithinyide'nanyi.

¹² A'mwera kilaaka mwasimaginna yawi'na “Kiraazitiyarera yawi'maniga' 'Kiraazitiyai yisavi kabala' kilaaka daya'nebwi maalikebwi yima'niwaka!' Sare'na sinna tika wida'daawoji Juyara kayaa'na naneyipidika!” Nabaai “Sahwara Kiraazitiyai Jizaazarine yita yovihirarannikevina maanga nanepidika!” deva “Sarinnya kilaakejikaavi ditha'nyila!” wijiwaakina yihyivanigasare.

¹³ Sare' dare'nesi. Kilaaka daya'nebulyiyara Kiwinya yuya' navika yadivi' myadivisare. Aawa. Sahwara yawi'na “Juyara neminyina dinyina 'Kiraazitiyarera sahwara kilaaka daya'nebwi Galeziya mwaalyaraavi yivanigasara tewaanyarera!' dinyina yipika!” Sara yawi'na yadivisa'na yihiziwaakivaniga' kunnya yaya makimanigasara.

14 Sabaaiþi' ninnya yaya' makina myiwi'neinyi. Arîkawi. Nemîre Naanga Jizaazai Kîraazitiyai yîsavi balakere yaya' makimanîgesi. Yi, balake'na Kwaakevakîyabura kadathiwaga' sabura manyîmaremwaalîke'nanyi. Kîraazitiyai baidaa'nyi nimîre simunya aya' balakesi. "Kwaakevakîyaburaavîna mamwaalyi yideinyi," yawîkeinyi, Naangei yîsavi sara balake'na.

15 Kîlaakeji' daya'ne' yaasiwa'nanya', kîlaaleji' madaya'ne' yaasiwa'nanyasi. Gotiyai mudîkeinaavi nemwaaihade' naangesi. Sare'na, Kîraazitiyai yîsavi balakeri yaya' makimanîgesi.

16 Yîhithiwe' yivanîgasaihi Kîraazitiyareihi, Gotiyare Yîzireliya nebulyaihiri Gotiyai gannya kwaamu'nanyaburi tewaanya yîhimwaaihana! Gotiyai kale'na yîhîgaimwagana!

17 Aaya' yîhithîma! Aane pwai kwai taanga manyîjaavanna! Sare' dare'nesi. Jizaazarî wîdaayadînyainyîna pwara kayaa'na nyesa'na nimîre kîlaakevi yîwihwaarya naange warîkengi. Sare'na Apozeliyainyi Kîwînyabulyiyara taanga manyîjaavîpîna!

18 Nya'mweihi, nemîre Naanga Jizaazai Kîraazitiyai yuyaihire kuryaraavi yange'na yîhîgaimwagana! Sahîrisî. Nebula naangesi.

Polî

**Yipma Genesis and New Testament
Genesis and The New Testament in the Yipma/Baruya
language
Buk Stat na Nupela Testamen long tokples Yipma long
Niugini**

copyright © 1993, 1994 Wycliffe Bible Translators, Inc.

Language: Yipma (Baruya)

Translation by: Wycliffe Bible Translators

Video recording © The Jesus Film, a project of Cru.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-07

PDF generated using Haiola and XeLaTeX on 18 Apr 2025 from source files dated 9 Oct 2020

ef60f748-49e3-5ee0-8e6d-a25b74b7a93c